

Aldiënza dla defensuria zivica en vëndres ai 12 de messé, dales 14.30 – 16.00, a San Martin tla ciasa de comun. Info y prenotaziun 0471 946 020.

SANITÉ: L'apoteca Pütia a Picolin é stlütta dai 06 ai 12 de messé.

Le dotur Eduard Agreiter é demez por ferias dai 15 ai 26 de messé y vëgn sostituí dala doturia Grete Mahlknecht 349 06 67 034 o 0474 523 018

SAN MARTIN Y LUNGIARÜ

FESTA DI MITUNS 2019: la Schira Jonila Val Badia y le Sorvisc ai Jogn invieia düc i mituns ala festa di mituns en dedolönesc ai 9 de messé a San Martin te chi Pinis. La festa mët man dales 10.00 cun la Santa Mëssa y dedò jüc cun de vigni sort de ciantuns y aurela cörta por düc cina les 16.30. Le cost é de € 13,00 por möt (marëna y partezipaziun a düc i jüc). I se confortun da passé n bel dé cun tröc mituns. En caje de bur tēmp gnará la festa desdita.

I berbesch y les mëdes dla Ciasa de Palsa invieia döta la popolaziun en domënia, ai 14 de messé, dales 9.30, ala gran mëssa tl'entrada dla Ciasa de Palsa y dedo deboriada a n pice renfrësch y musiga.

SAN MARTIN

I Jogn da San Martin organisëia n torné de nôt, en sabeda, ai 13 de messé, dales 18.00 jö dal ciamp dal sport "Pradel" a San Martin. An pó se scrí ite cina le dedemesaledema ai 10.07.2019. Ince chi che ne tol nia pert é dër bel invia da gní a sostigní i sogadus y a sté en compagnia. Por intratenimënt, mangé y bëre vëgnel fistidié. Gnide tröc!

Manifestaziuns:

Jazz Festival sön Börz incö domënia ai 07 de messé. Conzerc desvalis tles üttes: Munt de Fornella dales 11.00, Ütia de Göma dales 13.00 y Ütia de Börz dales 16.00.

Badia Musica invieia al Conzert de clarinec "playful clarinet" cun Beka Sirbiladze y Alberto Álvarez acompagná cun clavier da García Olga Albasini Garaulet, tl Istitut Ladin a San Martin en vëndres ai 12 de messé, dales 21.00.

Badia Musiga invieia al Conzert de musiga baroca cun le Ensemble Baroque (Gabriel Jublin - alt, Franz Comploi - orghe, Priska Comploi - oboe/fabló, Roberto de Franceschi - fabló trav., Esther Crazzolaro y Francesco Colletti - vidora, Eva Miribung - viola, Mara Miribung - violoncello, Marco Lo Cicero - vidora) tla dljia de Badia, en domënia. ai 14 de messé, dales 21.15.

La MIP (Männerinitiative Pustertal) dëida ëi y peri te situaziuns de difficulté. L'ofize a Bornech, strada Paternsteig 1, é davert le lönesc y le dedemesaledema dales 14.00 – 19.00 y le vëndres dales 8.00 – 12.00; 0474 555 848 info@mip-pustertal.it

Ères dëida Ères – Frauen helfen Frauen á l'ofize a Bornech, strada Paul von Sternbach 6, che é davert dal lönesc al vëndres dales 8.30 – 11.30. Fora de chësc orar vëgnel tut sö apuntamënc sön prenotaziun 0474 410 303; info.brunneck@frauenhelfenfrauen.it



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

07.07. – 14.07.19 nr. 32


ultimo termo por comunicaziuns: jöbia dales 20.00

radio: 90,40 / 93,70


14^a DOMËNIA ia por l'ann C

Vangele do Lüca 10,1-12.17-20

Jide! I ves ortiëi fora sciöche bisces danter i lus. Ne tolésse do degun tacuin, degöna sportula y degügn cialzà! Ne salude de degügn sön tru. Sc'i rovëis te na ciasa, spo dijede por pröm: Pêsc a chësta ciasa! Y sc'al abitëia dailò n chestian dla pêsc, spo s'architara la pêsc, ch'i ti aodëis, sön ël; sce nia, gnarara derevers sön os. Romagnede te chësta ciasa, mangede y boiede ci ch'an ves pîta; deache chël che laora, à n dërt sön so paiamënt. Ne jide nia da na ciasa al'atra! Sc'i rovëis te na cité y an ves tol sö, spo mangede ci ch'an ves tenn sö. Varide i amarà che é dailò y dijedi ala jënt: Le règn de Dî é daimprò.



Gejú nes ortiëia zënza nes garantí le suzes. Dede os por pröms. Portede la pesc! Ince sc'i ne savëis nia, sc'i incuntëis porsones de pesc, astilësse aladò sciöche chël o chëra ch'i incuntëis s'la miritass. Avedi bele danfora crëta a vignun, zënza savëi sc'i gnëis bëgn tuc sö. Minédela buna. Le règn de Dî é daimprò por vignun y vignöna, al n'é nia condizioné a val'. Chësta é l'impormetüda de Gejú. La jënt pó refodé le règn de Dî y la noela dla pesc. Mo al é impó chiló. Costruide lassura y confidede! Incundede la pesc, viedela y portedela, zënza avëi garanzies. Y sce la pesc, l'amur y le bëgn ch'i portëis ne toma nia sön de buna tera, scassede jö le stöp da üsc pîsc y ne lascësse nia demotivé. Te süa sapiënza, ala fin, sarál Chël Bel Dî che iudicará y completará. Dala proscima incuntada porvede indò y piede ia danü.

	SAN MARTIN	LUNGIARÜ	 Ne stede a se desmentié ia mia noela!“, nes racomana Gejú: „I ne m’aspeti nia, ch’i lascëise döt indô y jëise por döt le monn a incundé le règn de Dî. Mo öna na cossa m’aspeti: Ch’i incundëise la fede dailó olach’i viëis, tles parores y tles opres. Nia ma daite dai mürs de dlijia y tl pice cërtil de süa comunité, mo sön le post de laur, tl’assoziazium, tla vijinanza, tla familia, indlunch. Te chi posé ves ortiëi, chësta é osta misciun: dede testimonianza de me olach’i viëis.“
07.07.19 14^a DOMËNIA DL ANN C	9.00 Corona por vocaziuns 9.30 Gran Mëssa dla Comunité cun benedisciun dl tëmp + + Fredesc Unterweger	7.55 Corona 8.15 Gran Mëssa dla Comunité cun benedisciun dl tëmp 15.00 Corona tla capela de S. Ujöp Fr.	
08.07.19 Lönesc <i>Kilian y compagns, Edgar</i>		7.30 Mëssa a d’intenziun	
09.07.19 Dedolönesc <i>Veronica Giuliani</i>	19.30 Mëssa + + Maria y Carlo Sottara + Erika Psaiër	7.30 Mëssa + + Augustin y Maria Daporta	
10.07.19 Dedemesaledema <i>Erich, Olaf</i>		7.30 Mëssa + Vito Clara	
11.07.19 Jöbia <i>Festa de San Benedet da Nursia</i> <i>- Patron dl'Europa</i>	7.30 Mëssa + Moritz Castlunger + + Milio y Ottilia Castlunger Corona por vocaziuns	7.30 Mëssa + Heinrich Frenademetz	
12.07.19 Vëndres <i>Ermagora y Fortunat</i> Confesciuns sö Oies 16.30-18.00	19.00 Adoraziun chîta y Confesciuns 19.30 Adoraziun deboriada	7.30 Mëssa + Vittoria Clara	
13.07.19 Sabeda <i>Heinrich, Cunigunda, Joel</i>	15.30 Mëssa tla Ciasa de Palsa 18.30 Mëssa prefestia dl ann + Erna Frenner + + Hermann y Zilia Prousch + Erwin Rungger	20.00 Mëssa prefestia en onur dl Sacher Cör	
14.07.19 15^a DOMËNIA DL ANN C	9.30 Gran Mëssa dla Comunité <u>tla Ciasa de Palsa</u> <i>te dlijia n’él degöna mëssa dla domënia</i>	7.55 Corona 8.15 Gran Mëssa dla Comunité cun benedisciun dl tëmp 15.00 Corona tla capela de S. Ujöp Fr.	